



C O M U N E D E P À D R I A
(Provìntzia de Tàtari)

Pratza de su Comune – Pàdria – Tel. 079/807018 – Fax 079/807323
– protocollo@pec.comune.padria.ss.it

REGULAMENTU
SERVÌTZIU *MICRONIDO* INTERCOMUNALE
“IL COCCOGRILLO”

Carrera Mannu, 8 - Pàdria

Custu Regulamentu est istadu aprovalu dae su Consìgiu Comunale cun deliberatzione n. 5 in data 04/02/2019

ART. 1 – OGETU DE SU REGULAMENTU

Custu regulamentu disciplinat sas modalidades de funtzionamentu, sos critèrios de atzessu e s'organizatzione de su servìtziu educativu pro sa prima infàntzia chi a s'ghire amus a nàrrere *Micronido*, cunforma a cantu prevìdidu dae sas dispositziones legislative e regulamentares regionales mentovadas e de sos pruvidimentos applicativos imbenientes.

ART. 2

DEFINITZIONE DE SU SERVÌTZIU E FINALIDADES EDUCATIVAS

Su *micronido* est un'asilu nidu chi si diferèntziat dae sos nidos traditzionales ca b'at pagos pitzinnos.

Su *micronido* istràngiat sos pitzinnos dae **sos 3 meses de edade finas a 36 meses** pro màssimu 20 pitzinnos totu umpare.

Su *Micronido* est unu servìtziu educativu e sotziale chi pessighit sos obietivos chi s'ghint:

1) integrare s'atzione educativa de sa famìllia, collaborende cun custa pro garantire a su pitzinnu (*solu pro fàghere in curtzu amus a impitare semper sa paràula pitzinnu pro indicare siat sos pitzinnos siat sas pitzinnas*) un'isvilupu psico-fisico, cognitivu, afetivu e sotziale curretu e armònicu, in su respetu de s'identidade individuale, culturale e religiosa issoro;

2) favorèssere sos protzesso de sotzializatzione e integratzione de su pitzinnu in su cuntestu sotziale, garantende-li un'assistèntzia afetiva e psico-pedagògica efcatze e s'ghida;

3) ofèrrere a sas famìllias unu sustennu pro pòdere cuntziliare traballu e famìllia e pro s'acumprida de sas funtziones educative e puru pro las sustènnere in su contivìgiu de sos figios e in sos sèberos educativos issoro;

4) prevènnere e interbènnere in antis subra de dàbiles cunditzziones de discumbèniu psico-fisico e sòtziuculturale;

5) garantire un'insertadura adeguada de sos minores in dificutades e/o appartenentes a famìllias chi ant problemàticas sotziales;

6) garantire un'istrutura aberta a s'ambiente faghende in s'àmbitu de sa Comunità un'atzione de consulèntzia, de sustennu educativu e de formatzione s'ghida subra de sos problemas de sa prima infàntzia;

7) promòvere sa contitnuidade educativa, in acordu a manera particolare cun s'Iscola

Materna. Pro custu su *Micronido* garantit:

- personale cualificadu a manera professionale chi acumpàngiat e integrat s'impinnu educativu de sa famìllia in unu contatu s'ghidu cun custa;
- definitzione curreta e acumprida de su progetu educativu;
- tretos siat internos siat esternos pensados e organizados pro favorèssere s'iscàmbiu, sas

autonòmias, su cùmpudu e sa comunicatzione;

- verìfica s'ghida e a sa minuda de sos resurtados otènnidos respetu a sos obietivos apostivigados dae in antis; modalidades de funtzionamentu diferentes e chi podent mudare.

ART. 3 - I STANDARD DE SU SERVÌTZIU

Su Comune de Pàdria reconoschet sos istandard cualitativos e cuantitativos, natzionales e regionales, relativos a su *Micronido* comente riferimentos mìnimos pro s'organizatzione e sa gestione de sos servìtzios ogetu de custu regulamentu. Ìntegrat, pro mèdiu de protzedura a evidèntzia pùblica, sa gestione de su Servìtziu a ditas ispetzializadas in su settore de sos servìtzios pro sa prima infàntzia e faghet acordos, in su territòriu, cun àteras realidades chi oferint Servìtzios Educativos pro sa Prima Infàntzia leende in cunsideru sos istandard mìnimos mentovados in subra e acumprende a su controllu, prevididu dae su capitoladu de doveres e dae sas normas de riferimentu, pro mèdiu de s'impitu de sas istruturas amministrativas pròpias, pedagògicas e tènicas.

ART. 4

CRITÈRIOS PRO S'ATZESSU

Podent atzèdere a su *Micronido* totu sos pitzinnos de edade incluida tra sos tres e sos trintases meses, residentes in sos Comunes de Pàdria, Mara e Putumajore.

Podent èssere acollidas sas dimandas de sos tzitadinos chi no ant sa residèntzia in sos Comunes mentovados in antis bastat chi s'iant istadas in antis satisfatas de su totu sas dimandas de cussos residentes in sos Comune de Pàdria, Mara e Putumajore.

ART. 5 - ISCRITZIONES

S'atzessu a su *Micronido* est subordinadu a sa presentatzione de una dimanda de iscrizionee.

Sas dimandas de iscrizionee, de presentare s'est possibile pro onni annu educativu intro de su mese de làmpadas, divent èssere redatzionadas subra de modellos giai imprentados e cunsignadas a s'afidatàriu de su servìtziu fata chi siat sa presentatzione a su protocollu de su Comune Cabufila, chi l'achisit in còpia. Sa frequèntzia a su *Micronido* est garantida finas a sa finitia de su mese de làmpadas de s'annu in su cale su pitzinu lompèt su de tres annos de edade.

ART. 6- INSERTADA BENEFITZIÀRIOS

Achisidas sas dimandas de iscrizionee, s'Ufitziu de sos Servìtzios Sotziales de su Comune de Pàdria, dat a ischire a sas famillias, puru pro mèdiu de su telèfono o pro mèdiu de e-mail, s'ammissione de su pitzinu a su Servìtziu. Sa renuntzia dàbile at a dèvere pervènnere, in forma iscrita, a su Comune de Pàdria. Sos pitzinnos ammitidos, a su comintzu de s'annu educativu, ant a comintzare s'insertadura cunforma a unu calendàriu definidu dae su Servìtziu, ascurtadas sas famillias.

Sa data de insertada at a èssere comunicada a manera ufiziale a sas famìllias in occasione de sa prima reunione chi s'at a fàghere, in sa sede de su Servìtziu, sa chida pretzedente s'inghitzu de s'annu educativu. Si non si frequentat, sena unu motivu giustificadu, in sa die previdida pro s'insertada at a èssere cunsiderada comente una renùntzia ladina.

ART. 7 - LISTA DE ATESA

Sas dimandas de iscritzione presentadas posca chi sos postos a dispositziones sunt istados ocupados ant a costituire una lista de atesa currispondente dae in ue s'at a leare pro cobèrrere sos postos chi s'ant a liberare si calicunu diat renunziare durante s'annu educativu.

S'impitadore collocadu in sas listas de atesa, a su cale si proponet, puru pro mèdiu de su telèfono o via e-mail, s'intrada in su Servìtziu, at àere 48 oras de tempus pro comunicare a s'Ufìtziu Servìtzios Sotziales de su Comune de Pàdria chi atzetant o renùntziant. Coladu custu tèrmine, sena peruna comunicatzione dae parte de sa famìllia, sa dimanda at a èssere cantzellada dae sa lista de atesa currispondente. Sas famìllias, in su momentu de sa dimanda, ant a dèvere dare indirizzos telemàticos e nùmeros telefònicos ativos chi garentant de si fàghere agatare in onni fase de sa protzedura de ammissione.

ART. 8 – CANTU SI DEVET PAGARE E COMENTE

Leadas a cunsideru sas finalidades de su servìtziu, su Gestore àplicat sa tarifa chi resurtat dae su cuntratu istipuladu cun su Comune de Pàdria e apostivigada in sede de aggiudicatzione de sa gara.

Su pagamentu de su servìtziu, si no est apostivigadu a manera diferente in su capitoladu ispetziale de apaltu o in su cuntratu, at a dèvere èssere fatu dae sas famìllias, emìtida chi siat in antis fatura apòsita, intro de sas iscadèntzias indicadas dae s'apaltadore, pro mèdiu de bonificu bancàriu o postale.

In onni casu, su pagamentu no at a pòdere èssere fatu a fora de sa die 10 de su mese de riferimentu.

In casu de ritardu in su pagamentu de cantu dèvidu ant a èssere aplicados sos interessos legales de mora a decùrrere dae sa de 30 dies dae sa data de iscadèntzia. Sos interessos de mora ant a èssere apostivigados cunforma a sa normativa in vigèntzia.

In casu de ausèntzia de su minore, pro una die o a manera sighida, no est previdida peruna minimadura de cussu chi si devet pagare comente apostivigadu in su cuntratu de intrada. Su Gestore at a pòdere providire a sa sessada de su cuntratu de intrada in casu de farta de pagamenti puru de unu mese ebbia Dàbiles integrazziones cun fundos de su Comune ant a pertocare solu sos residentes de su Comune chi at apostivigadu sa minimadura de cantu si devet pagare e cun sas modalidades indicadas in sa Conventzione fata a manera apòsita tra sos Comunes chi ant aderidu.

Art. 9 - CALENDÀRIU DE SAS ATIVIDADES E ORÀRIU DE FRECUÈNTZIA

Su *Micronido* comintzat s'atividade pròpia dae su mese de cabudanni, cun serrada in su periodu de

istiu pro 30 dies sghidas (est dàbile in su mese de austu).

Su *Micronido* est abertu chimbe dies a chida, dae su lunis a su chenàbura a fora de sàpadu, dae sas 8.00 a sas 14.00. Su Servìtziu est serradu in sas dies festivas apostivigadas dae sa lege. Sa serrada istraordinària bi podet èssere solu pro netzessidades motivadas relevadas dae su Servìtziu Sotziale Comunale e est apostivigada dae su Sìndigu.

S'intrada de sos pitzinnos est ammitida dae sas 8.00 a sas 9.30. Onni ritardu cunforma a s'oràriu de intrada e onni rechesta de antizipare s'oràriu de essida charent sinnalados a su personale educativu sa die in antis. Sos pitzinnos cando essint sunt afidados dae su personale educativu solu a su babbu o a sa mamma o puru a una pessone de fidùtzia indicada a manera ladina e autorizada pro mèdiu de un'iscritu.

ART. 10 - AUNIRE·SI DE NOU

In sos oràrios de essida sos pitzinnos ant a pòdere èssere afidados solu a su babbu o a sa mamma o a pessones dassignadas dae custos, pro iscritu, in su momentu de s'insertada. Sos babbos e sas mammas podent delegare, pro remonire sos fradigheddos, puru sos figios minores, chi apant lòmpidu a su mancus 16 annos. Onni mudadura, puru temporànea, de sas pessones dassignadas, devet èssere comunicada a su gestore dae in antis, pro mèdiu de un'iscritu. Sa pessone incarrigada at a dèvere èssere presentada a su gestore o si devet presentare a s'educadora cun unu documentu de reconnoschimentu.

ART. 11 – RENUNTZIAS, AUSÈNTZIAS E DECADÈNTZIAS

Sa renùntzia a su Servìtziu, durante sa frecuèntzia ordinària, devet èssere presentada in forma iscrita, a s'Ufitziu de sos Servìtzios Sotziales de su Comune de Pàdria. Sas ausèntzias ant a dèvere èssere comunicadas a su gestore pro mèdiu de su telèfono, intro de sas 9,00 de sa matessi die. Sas ausèntzias de prus de unu mese non sunt cunsentidas. Situatziones particulares ant a èssere leada in cunsideru dae s'Amministrazione Comunale. Si protzèdit a sas dimissiones de ufitziu, cun comunicatzione iscrita, in sas situatziones chi sghint:

- graes e sghidas inosservàntzias de custu regulamentu e de sas règulas internas a su Servìtziu, sinnaladas dae su Responsàbile de su Servìtziu;
- si non si pagat su chi si devet dare;
- si, sena motivu giustificadu, si pagat semper in ritardu;
- ausèntzias sghidas non comunicadas a su Servìtziu;

ART. 12 - PERCURSU EDUCATIVU

Su percursu educativu est promòvidu e acumpridu a manera collegiale dae totu sas figuras professionali presentes in su Servìtziu e cumpartzidu cun sas famillias. Durante totu sa die sos grupos o setziones acumprint s'atividade pròpia cunforma a una partzidura de su tempus articulada cunforma

a sos momentos chi sighint acollida: momentu de distacu tra pitzinnu e famiglia;

esperientzias de giogu liberu e istruturadu, pro mèdiu de sos cales sos pitzinnos isperimentant abilitades cognitivas, motòrias, de cumprensione de sensu, espressadas, linguìsticas e sotziales;

- màndigare, contivìgiu de s'igiene e pasu;
- torrare a aunire·si cun sa famiglia.

Su percursu educativu si definit pro mèdiu:

- s'abituare a un'ambiente nou, chi s'acumprint a bellu a bellu cun sa presèntzia de su babbu e de sa mamma, e pro mèdiu de su cale si fràigant sas bases pro unu dàbile raportu de aficu e collaboratzione de pare a pare, chi fatzilitat su distacu de su pitzinnu dae su nùcleu familliare e s'insertada sua bona in su *Micronidu*;
- s'osservatzione, chi permitit de achisire datos de importu pro connòschere cale cumpetènzias su pitzinnu at achisidu, agiunghende custos datos cun sas informatziones relativas a su cuntestu sotziale in su cale su pitzinnu est insertadu;
- sa programmatzione educativa, chi caraterizat s'oferta educativa leende a cunsideru sas esigènzias de sos pitzinnos e de su cuntestu de riferimentu;
- sa documentatzione, pro rapresentare a manera cuncreta e fàghere a bìdere a manera ladina su percursu educativu realizadu, e mantènnere trata de cussu chi s'est fatu, dende sa possibilidade de remonire sos materiales de traballu e sa difusione de su Servìtziu a s'esternu;
- sa verifica e valutatzione de sa calidade de s'atividade educativa acumprida, cunfrontende sos resurtados chi s'isetaiant cun sos resurtados otènnidos, cun sa punna de fàghere, s'est netzessàriu, mudaduras o cambiamentos.

Ambientes e tretos a intro de s'istrutura fisica e de s'àrea esterna de su Servìtziu sunt ammaniados e organizados pro sustènnere s'intritzu de relatziones e abojos tra mannos e pitzinnos, tra pitzinnos e pitzinnos, tra mannos e mannos.

ART. 13 - ALIMENTATZIONE E MENSA

Intro de su *Micronido* est prevididu unu servìtziu mensa cun coghina esterna (in su tzentru de cotura presente in su Comune de Pàdria) chi previdit unu màndigu cumpletu pro su bustu. S'elencu de sa roba de mandigare est timbradu e aprovalu dae s'autoridade sanitària cumpetente de s'ASL e afissadu in sa bacheca de su *Micronido*. Sa dieta est contivigiada leende a cunsideru s'importàntzia de un'alimentatzione ecuilibrada e de su chi netzèssitat pro s'alimentatzione de onni minore. S'ammanadura e sa frunidura de sos alimentos est controllada dae onni puntu de annotu de calidade e igiènicu-sanitàriu, cunforma a sas normativas in matèria de igiene de sos produtos alimentares.

Si unu pitzinnu devet sighire un'alimentatzione ispetzifica, su familliare devet presentare a su Comune

de Pàdria unu tzertificadu mèdicu chi indichet su regime dietèticu de s'ighire.

ART. 14 – TRATOS SANITÀRIOS

Sa prima die de adatamentu est obligatòriu dare a sos operadores de su Servìtziu su tzertificadu de su pediatra de famìllia chi atestat sa salute bona de su pitzinnu a garàntzia de s'idade sua a sa frequèntzia e a sa partetzipazione a sa vida de comunidade. At a dèvere dare puru fotocòpia de su libreteddu de sos vacinos prevìdidos pro lege.

Sa famìllia at a dèvere cumpilare e sutascrìere, in occasione de su primu collòchiu, un'ischeda personale de su pitzinnu in ue bi s'iant sos nùmeros de telèfono e novas subra de sa salute, de sas abitudines puru alimentares, si b'at cosas chi non podet mandigare o s'at allèrgias, subra de sa netzessidade d'abile de leare meighinas. In casu de cosas chi non si podent mandigare o allergias o de sa netzessidade de leare meighinas est obligatòriu presentare sos tzertificados de su pediatra de famìllia cun sas indicatzione de àteras dietas o sas prescritziones pro su chi pertocat su de dare sas meighinas in oràriu de frequèntzia.

Podent dare sas meighinas solu su babbu o mama o sas pessones dae custos delegadas.

Su personale de su Servìtziu at a cuntatare sa famìllia de su minore si si diat abigiare chi custu no istat bene e chi est impedumadu a partetzipare a manera adecuada a sas atividades o abbisonget de curas chi su personale non siat in gradu de dare sena compromìtere sa salute e/o sa seguresa de sos àteros pitzinnos.

Sas cunditziones sunt sas chi s'ighint:

- frebba prus de 38°C;
- problemas a sas bias respiratòrias (tùsciu meda, atacos de asma, etz.);
- diarrea e/o bùmbitos;
- runza a sa pedde; male de buca;
- runza a sa pedde (*esantemi* de d'abile orìgine infetiva, cumparsa totu in unu de tacas isparghinadas e non, chi non s'iant cajonadas dae malàdias chi aiat giai);
- ogros trambuscados;
- priogu;
- infetzione de sa buca, manos e pees;
- piantu s'ighidu sena peruna resone chi non faghet mai.

In casu de infortùniu e/o situatziones de emergèntzia chi abbisongent de un'interventu deretu e in presse de su dutore sunt avisados sos servìtzios sanitàrios de interventu deretu (118) e in su matessi tempus sos familliares. In casu de allontanamentu dae su Servìtziu, pro sas resones indicadas in subra, su pitzinnu dimìtidu at a dèvere restare in domo a su mancu s'incras, a fora de un'indicatzione diferente de su pediatra chi, cun tzertificatzione mèdica, garentat sa possibilitade pro su pitzinnu de

torrare.

In casu de priogu (tzirculare ministeriale n. 4 de su martzu 1998), cando su pitzinnu torrat a su nidu, su babbu o sa mamma at a dèvere cumpilare un'autotzertificatzione chi atestat su comintzu de sa teràpia/tratamentu.

In casu de ausèntzia de su pitzinnu pro malàdia pro unu perìodu prus longu de 5 dies (includos sàpadu, domìniga e dies de festa) est ammìtidu torra a su servìtziu cun sa tzertificatzione de su pediatra de famìllia.

Sas ausèntzias sighidas pro resones de maladia ant a dèvere èssere comunicadas in forma iscrita e/o pro mèdiu de mail.

Sos pitzinnos chi s'ant fatu male a manera temporànea (chi ant su gesso, o puntos, o bendas) ant a pòdere frecuentare solu si ant su tzertificadu de su pediatra de famìllia chi atestet s'idade e sas modalidades de frecuèntzia.

Su personale de su Servìtziu no est autorizadu a dare meighinas, a impitare unghentos pro sas micosi, collirios o àteros cumpostos de meighinas, inclùidos puru sos remèdios a base de cosas naturales.

S'est tzertificadu dae sos pediatras de famìllia, est cunsentidu a sos babbos e a sas mamas, o a pessones dae issos delegadas, de andare a su Servìtziu pro pònnere collirios anti-allèrgicos o unghentos antimicòticos pro situatziones temporàneas o meighinas pro malàdias crònicas.

S'at a èssere netzessàriu, pro favorèssere s'iscàmbiu de informatziones e garantire su benèssere de sos pitzinnos, sos operadores de su servìtziu si lassant sa facurtade de cuntatare sos pediatras de famìllia.

ART. 15 - PERSONALE

S'assegnatzione de su personale a su *Micronido* est fata in su respetu de sas normativas in matèria de raportu numèricu personale-pitzinnos, leende a cunsideru s'oràriu de abertura e de s'organizatzione de sos turnos. S'orgànicu de sos operadores est apostivigadu cunforma a su nùmeru de sos iscritos e a s'idade (allatados o chi màndigant puru àteru), e puru respetu a sas modalidades organizativas de su servìtziu.

Su contivìgiu de sas resursas umanas est un'àtera cosa tzentrale: sa cumpetèntzia e sa professionalidade de su personale detèrminant sa calidade de sa proposta educativa e sunt, pro sas famìllias, s'indicadore printzipale de calidade de su Servìtziu.

Sa punna de su *Micronido* est cussu de fraigare e fàghere reconnòschere a sas famìllias unu còdighe professionale comune e, in su matessi tempus valorizare sas caraterísticas personales de onniunu. In su Servìtziu òperant a manera sighida sas figuras professionali chi sighint:

A) Su Coordinadore:

- Contivìgiat s'organizatzione generale de su servìtziu;
- Contivìgiat sas relatziones cun s'Ente Locale;
- programmat e coòrdinat s'atividade *lùdico-educativa* e sa verìfica relativa in collaboratzione istrinta cun sos àteros operadores;
- v`alutat s'efitzièntzia e s'eficatzidade de su servìtziu e proponet sas solutziones ùtiles a sa megioria issoro;
- collàborat pro sas situatziones sighidas dae sos operadores sotziales territoriales pro una cumpartidura e integratzione de su progetu educativu de onni minore;
- collàborat cun su Servìtziu de Pediatria e cun sos àteros Servìtzios Sanitàrios e/o Sotziales;
- programmat e ammàniatatividade de informatzione/formatzione (comente, pro n`arrere, dibatas, seminàrios, cunvegnos etz.) subra argumentos chi pertocant sa prima infàntzia cun sa punna de afortiare e ismanniare sas cumpetèntzias educativas de sos babbos e de sas mamas, previdende·nde s'interessamentu issoro;
- averiguat sa calidade de su servìtziu frunidu e su gradu de satisfatzione relativu a su servìtziu dae parte de sos babbos e dae sas mamas;
- contivìgiat sos raportos cun sas àteras istituzziones de su territòriu, in particolare cun s'Iscola Materna.

Su Coordinadore at a dèvere, puru, f`aghene ischire deretu a s'Amministratzione Comunale d`àbiles ausèntzias sighidas de sos chi frequentant su Servìtziu.

B) Personale educativu:

- Contivìgiat s'isvilupu psico-fisicu, cognitivu, afetivu e sotziale de su minore;
- collàborat cun su babbu e sa mama agiudende·los in su còmputu educativu issoro;
- collaborat cun su coordinadore in sa programmatzione e in su coordinamentu de sas atividades didàticas e educativas, e puru in sa verìfica de sos resurtados;
- collaborat cun sos Servìtzios Sanitàrios e/o Sotziales chi ant in càrrigu su minore in dificutade;
- respetat e faghet respetare su Regolamentu de su Servìtziu;
- ammàniat sas ischedas osservativas de sos pitzinnos, faghende·si agiudare cando est netzessàriu dae sa consulèntzia de sas figuras professionali ispetzialìsticas;
- contivìgiat su Registru de sos iscritos in ue ant a èssere annotadas sas presèntzias e puru sos fascìcolos de onni pitzinnu in sos cales ant a èssere remonidos totu sos atos e sos documentos netzessàrios a un'acumprida prus bona de su servìtziu a favore de sos matessi.

C) Personale prepostu a sos servìtzios generales:

- Innetadura de sos locales e riòrdinu de sas atrezaduras de coghina e de sos trastes, contivigende a manera particolare s'isterilizatzione de sos biberones, de sos istèrgios

e de sas atrezaduras;

- Est responsàbile de su manìgiu, ammaniadura e remonidura de sa roba de mandigare cunforma a sas normas igiènicas e a sas tabellas dietèticas apostivigadas dae sos òrganos sanitàrios cumpetentes;

pruvidit a dare sa roba de mandigare, a aparitzare e a isparitzare.

ART. 16 - PARTETZIPAZIONE

Su *Micronido* valorizat e sustenit sa partetzipazione de sas famillias cun atenzione particolare a s'acollida, a s'arrejonu, e a su cunfrontu e a s'iscàmbiu de informatziones e meledos subra de tratos de sa vida de onni die de sos pitzinnos. Sunt prevìdidos momentos de partetzipazione diferentes:

A) reunione generale in antis de su comintzu de s'annu educativu: costituitu su primu momentu de adòbiu in antis de su comintzu de s'annu educativu tra sas famillias e sos operadores, favoresset sa connoschèntzia de su personale, de s'organizatzione de su Servìtziu, de su logu, de s'oferta pedagògicu-educativa de su Servìtziu e dat informatziones subra de tempos e modalidades de ambientamentu de sos pitzinnos:

B) chistionada a sa sola: rapresentat un'occasione pro dare vida a un'alleàntzia educativa tra sa famiglia e sos operadores de su Servìtziu chi su minore frequentat. Est utilosu siat a sos babbos siat a sas mamas, pro àere acramentos subra de s'organizatzione e subra de sos orientamentos pedagògicos, siat a sos educadores pro connòschere s'istòria de su minore e sas abitudines familliaires suas;

C) ambientamentu: permitit de cumpartzire cun su pitzinnu s'acostagiamentu a sa realidade noa de su Servìtziu, pro mèdiu de unu percursu graduale e chi dat seguresa;

D) cuntatos de onni die: permitint su passàgiu de informatziones de su servìtziu in su momentu chi si nch'andat subra de comente su pitzinnu at coladu sas oras pretzedentes a su momentu de s'essida e subra de comente at bìvidu sa die;

E) adòvios de traballu: permitint de presentare su progetu educativu, de connòschere sas lìnias chi lu ghiant, de promòvere un'iscàmbiu subra de valores e istiles educativos de su Servìtziu, e favorèssere sa possibilidade de si cunfrontare cun àteros babbos e mamas/e familliaires;

F) momentos de agregatzione formales e non: festas, laboratòrios, atividade de setzione, adòvios a tema e essidas dàbiles in su territòriu, pro cumpartzire cun su pitzinnu una parte de s'esperientzia educativa.

ART. 17 – ISCUMBATU E CALIDADE DE SU SERVÌTZIU

S'Amministrazione Comunale inghizat a manera periòdica iniziativa pro relevare sa calidade de su Servìtziu, at a dare a sas famillias cuestionàrios de gradimentu. Sos resurtados de s'elaboratzione de sos cuestionàrios ant a èssere ogetu de cunfrontu cun sas famillias e impitados pro megiorare s'oferta

cumplessiva de su servìtziu.

ART. 18 – IMPITU E ATZESSU A SOS LOCALES

Sos locales impitados a su *Micronido* podent èssere impitados solu pro s’acumprida de sas atividades educativas durante s’oràriu de servìtziu normale.

A fora de custos oràrios s’Amministratzione Comunale podet cunsentire, de acordu cun su Gestore, s’impitu de sos locales pro s’acumprida de iniziative – cun atenzione particolare a sa promotzione de percursos de partetzipatzione de sas famìllias – e abarrende firmu su recùperu de sas cunditzones igiènicas/sanitàrias normales in finitia de onni impitu.

S’intrada a su *Micronido* est proibidu a chie si siat bi chergiat esertzare atividades pubblitziàrias e cummertziales de cale si siat genere.

ART. 19 - PROPOSTAS E RECLAMOS

Sos babbos e mamas de sos minores iscritos a su *Micronido* podent presentare a s’Amministratzione Comunale e a su Gestore, in forma iscrita, reclamos, propostas e/o osservatziones, sos cales s’impignant a dare risposta intro de deghe dies dae sa retzida.

ART. 20 - CONTROLLOS

Su Comune de Pàdria, pro mèdiu de su Responsàbile de su Servìtziu o de su RUP o àteru delegadu, at a pòdere in onni momentu fàghere controllos subra de su servìtziu, rechèdere novas, informatziones, acramentos subra de s’andanta de sa gestione.

Su sugetu gestore devet presentare a s’amministratzione comunale, a sa fine de s’annu educativu, una relata subra de s’andanta de s’atividade annuale. Sa relata at a dèvere cuntènnere, a su mancus, sas indicatziones chi sighint:

- su nùmeru de sos pitzinnos iscritos e chi frequentant, partzidos tra residentes in sos tres Comunes, cun sas fàscias de edade respetivas;
- sas dimissiones dàbiles in cursu de s’annu, cun sa motivatzione, si diat èssere connota;
- su nùmeru e sa cualifica professionale de sos operadores impinniados;
- sos oràrios e sos periodos de atividade de su servìtziu, cun sa sinnalatzione de su perlongamentu dàbile rechestu dae sas famìllias;
- sos problemas printzipales chi bi sunt istados in s’annu;
- sas rechestas dae parte de sas famìllias chi no est istadu possìbile acumentare, cun indicatzione de sos motivos respetivos.

ART. 21 - DISPOSIZIONES FINALES

Pro cussu chi no est prevìdidu a manera espresa dae custu Regulamentu, si faghet riferimentu a sas

leges in vigèntzia e in particolare a sa L.R. n. 23 de su 23 de nadale de su 2005, a su regulamentu de atuatzione de s'artìculu 43 de sa L.R. n. 23/2005 (D.P.G.R. n. 4 de su 22.7.2008), a sa D.G.R. n. 62/24 de su 14.11.2008 e m.m.i,

a sa D.G.R. n. 28/11 de su 19.06.2009, a sas Lìneas Ghiadoras aprovadas cun deliberatzione de sa Giunta Regionale n. 38/14 de su 24/07/2018, e puru a su capitoladu de apaltu aprovadu in sede de gara pro s'afidamentu de su servìtziu e a su cuntratu relativu istipuladu tra su Comune e su sugetu afidatàriu.